

Broj: **05-02-4-697/25**
Mostar, 23.04.2025. godine

Bosna i Hercegovina
Federacija Bosne i Hercegovine
PARLAMENT FEDERACIJE BiH
PREDSTAVNIČKI DOM PARLAMENTA
n/r g-din, Ivan Miličević, tajnik
n/r g-đa Jasmina Bišćević-Tokić, poslanik

VLADA FEDERACIJE BiH
n/p g-đa, Edita Kalajdžić, sekretar Vlade

Bosna i Hercegovina Federacija Bosne i Hercegovine PARLAMENT FEDERACIJE SARAJEVO			
Primijeno:		30-04-2025	
Org. jed.	Priloga	Vrijednost	
05/1	- 02 -	154	125

Predmet: **Zastupničko pitanje, odgovor dostavlja se**

Poštovani,

U prilogu akta Vlade Federacije Bosne i Hercegovine, broj: 03-04-709-5/2025 od 03.04.2025. godine, dostavljeno nam je zastupničko pitanje, koje je na 19. redovnoj sjednici Predstavničkog doma Parlamenta Federacije Bosne i Hercegovine, održanoj 02.04.2025. godine, postavila uvažena zastupnica Jasmina Bišćević-Tokić.

Pitanje/inicijativa glasi:

1. Da li je Federalno ministarstvo energije, rudarstva i industrije podnosilo zahtjev Pravobranilaštvu BiH kojim traži prethodno mišljenje u vezi sa izdavanjem energetske dozvole privrednom društvu Solar Lena d.o.o. Grude za izgradnju fotonaponske elektrane „Lena 1“ i „Lena 2“ na lokalitetu Miljkovići, Grad Mostar?

Odgovor:

Zahvaljujemo na Vašem upitu koji ste postavili kroz prethodno pitanje, te Vas ujedno želimo informisati o nadležnostima, aktivnostima i provedenim procedurama Federalnog ministarstva energije, rudarstva i industrije za izdavanje energetskih dozvola za izgradnju elektroenergetskih objekata „LENA 1“ i „LENA 2“ privrednog društva Solar Lena d.o.o. Grude.

Naime, u postupku pribavljanja građevinske dozvole za izgradnju novih i rekonstrukciju postojećih elektroenergetskih objekata, investitori trebaju ishoditi Energetsku dozvolu.

Vezano za izgradnju predmetnih fotonaponskih elektrana na lokalitetu Miljkovića, Grad Mostar, Federalno ministarstvo energije, rudarstva i industrije je

rješavalo predmetne zahtjeve po trenutno važećoj legislativi i u skladu sa materijalnim propisom po kome se izdaje energetska dozvola.

Shodno odredbama člana 78. st. (3) i (6) Zakona o električnoj energiji u Federaciji Bosne i Hercegovine („Službene novine Federacije BiH“, br. 66/13, 94/15, 54/19, 01/22 i 61/22) i člana 23. stav (3) Uredbe o postupku, kriterijumu, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja („Službene novine Federacije BiH“, broj: 27/14 – u daljem tekstu Uredba) članom 16. Uredbe, je propisana između ostalog i potrebna dokumentacija za izdavanje energetske dozvole. Na osnovu prethodno iskazanog pravnog osnova, odnosno po prethodno pomenutoj propisanoj proceduri je izdata energetska dozvola za izgradnju fotonaponske elektrane „Lena 2“. Promjenom zakonodavnog okvira, tj. donošenjem novog Zakona o električnoj energiji Federacije Bosne i Hercegovine („Službene novine Federacije BiH“, broj: 60/23) i Pravilnika o izdavanju energetske dozvole („Službene novine Federacije BiH“, broj: 51/24-u daljem tekstu Pravilnik) uveliko je pojednostavljena procedura izdavanja energetske dozvole. Energetska dozvola za fotonaponsku elektranu „Lena 1“ je izdata po Pravilniku i potrebnoj dokumentaciji propisanoj članom 16. Pravilnika. Bitno je napomenuti da, bez obzira koji je materijalni propis bio važeći, nije propisano da se traži prethodno mišljenje pravobranilaštva za izdavanje upravnog akta „Energetske dozvole“ koje izdaje ovo Ministarstvo.

2. S obzirom da Predstavnički dom Parlamenta FBiH na 11. Redovnoj sjednici održanoj dana 28.05.2024. godine nije prihvatio zaključak o davanju saglasnosti za izdavanje energetske dozvole za izgradnju fotonaponske elektrane „Lena 1“ tražim od federalnog ministra, energije, rudarstva i industrije informaciju koje radnje je preduzeo da se zaustavi ili onemogući izgradnja fotonaponske elektrane „Lena 1“? Da li je resorni ministar u skladu sa svojim ovlaštenjima pokrenuo odgovarajuće pravne postupke za zaštitu državnog zemljišta i ukoliko jeste tražim da me informiše o kojim aktivnostima se radi?

Odgovor:

Energetska dozvola je upravni akt koji izdaje Federalno ministarstvo energije, rudarstva i industrije investitoru u postupku dobivanja potrebnih dozvola za izgradnju elektroenergetskog objekta za proizvodnju električne energije.

Projekti fotonaponskih elektrana „Lena 1“ i „Lena 2“ su identični u potpunosti (ista nazivna snaga, ista lokacija, priključak na prenosnu mrežu, vlasnik/ investitor predmetnih elektroenergetskih objekata, kao i saglasnost Doma naroda Parlamenta Federacije BiH).

Vezano za poduzete aktivnosti, ovlaštenja i procedure za izdavanje energetske dozvole „Lena 1“, privredno društvo Solar Lena d.o.o. Grude je uz predmetni zahtjev ovom Ministarstvu dostavio dokumentaciju propisanu članom 16. trenutno važećeg Pravilnika. Između ostalog je priložena i važeća pravosnažna urbanistička saglasnost, broj: UP1-03-19-2-1078/23 od 24.10.2023. godina izdata od Federalnog ministarstva prostornog uređenja, kao i Rješenje kojim se daje poljoprivredna saglasnost za trajnu prenamjenu zemljišta, broj: UP-I-07-20-3898-5/23 od 16.08.2023. godine izdato od Ministarstva poljoprivrede, šumarstva i vodoprivrede Hercegovačko-neretvanskog kantona. U Rješenju kojim se izdaje urbanistička saglasnost između ostalog je

obrazloženo: "Vezano za navode o zabrani raspolaganja državnim zemljištem, rješenjem o urbanističkoj saglasnosti se daju planske pretpostavke za traženi zahvat u prostoru, dok investitor nije u obavezi dostaviti dokaze o pravu građenja. Isti se dostavljaju tek u postupku izdavanja odobrenja za građenje, u skladu sa odredbama člana 55. stav 1. tačka 3. Zakona o prostornom planiranju i korištenju zemljišta na nivou Federacije BiH. Pored navedenog, odredbama člana 1. stav 3. Zakona o privremenoj zabrani raspolaganja državnim imovinom Bosne i Hercegovine („Službeni glasnik BiH“, br. 18/05, 29/06, 85/06, 41/07, 74/07, 99/07, 58/08 i 22/22), utvrđeno je da se, u smislu ovog zakona, pod raspolaganjem državnim imovinom, smatra direktni ili indirektni prenos vlasništva". S obzirom da su priloženi akti od nadležnih organa kojima se odobrava izgradnja i prenamjena zemljišta, a koji su između ostalog i nadležni za izgradnju fotonaponske elektrane, ovo Ministarstvo nije pokretalo dodatne postupke.

3. Da li je federalni ministar energije, rudarstva i industrije o izgradnji fotonaponske elektrane „Lena 1“ i „Lena 2“, a posebno u slučaju izgradnje fotonaponske elektrane „Lena 1“ obavijestilo nadležne inspeksijske službe za oblast gradnje i tražio izdavanje zabrane izvođenja radova? Ukoliko to do sada nije uradio, tražim od ministra Vedrana Lakića da to bez odlaganja učini i da mi dostavi dokaz o podnesenom zahtjevu. Ukoliko to iz bilo kojeg razloga ne učini, tražim od ministra da takvu svoju odluku pravno obrazloži?

Odgovor:

Kao što je definisano Zakonom o prostornom planiranju i korištenju zemljišta na nivou Federacije Bosne i Hercegovine, nadležni organ za izgradnju je Federalno ministarstvo prostornog uređenja i to za elektroenergetske objekte 30 MW i više, a što je slučaj sa predmetnim projektima, kod kojih je instalisana nazivna snaga 75 MW. S obzirom da su priloženi prethodno spomenuti akti za građenje (sa validnim rokom važenja), ovo Ministarstvo nije pokretalo bilo kakve dodatne radnje vezane za angažman inspeksijskih službi za građenje.

4. Da li je federalni ministar energije, rudarstva i industrije o izgradnji fotonaponske elektrane „Lena 1“ i „Lena 2“, a posebno izgradnji fotonaponske elektrane „Lena 1“ obavijestio Pravobranilaštvo BiH i da li je od Pravobranilaštva BiH tražio da pokrene pravne aktivnosti s ciljem zaštite državnog zemljišta. Ukoliko to do sada nije uradio, tražim od resornog ministra da to, bez odlaganja učini, i da mi dostavi dokaz o preduzetim aktivnostima.

Odgovor:

Podsjećanja radi, saglasnost pravobranilaštva pribavlja (u ovom slučaju) Ministarstvo privrede Hercegovačko-neretvanskog kantona uz prethodnu saglasnost investitora (privredno društvo Solar Lena) na nacrt ugovora o koncesiji. Po dobivenoj saglasnosti od Pravobranilaštva, Ministarstvo privrede isti upućuje Vladi Hercegovačko-neretvanskog kantona sa nacrtom predmetnog ugovora na usvajanje. Jedan od uslova za izdavanje energetske dozvole je i potpisani ugovor o koncesiji kao dokaz da su sve prethodne radnje/procedure provedene od nadležnih organa koje su u zakonskoj obavezi da to i urade. Također je bitno napomenuti da je sada na snazi zabrana izdavanja ugovora o koncesiji za državno zemljište u Hercegovačko-

neretvanskom kantonu zbog donošenja Odluke kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine od 12.04.2022. godine, a potom i Zaključka Vlade Federacije Bosne i Hercegovine V. broj: 1643/2023 od 15.11.2023. godine, kojom se promjena namjene poljoprivrednog i šumskog zemljišta u vlasništvu države Bosne i Hercegovine.

Također je bitno napomenuti, da se već revidiraju mnogi doneseni akti vezani za izgradnju elektroenergetskih objekata na državnom zemljištu (ne samo u slučaju izgradnje predmetnih elektroenergetskih objekata), pa ukoliko se utvrde moguće nepravilnosti vezane za bilo koji akt koji je potreban za izdavanje energetske dozvole, ovo Ministarstvo će pokrenuti postupak oduzimanja energetske dozvole, shodno članu 31. Pravilnika.

S poštovanjem,

Dostaviti:

- Naslovu,
- evidenciji i
- a/a

